

Headline	Akademi sedia RM50,000 geran penyelidikan sembilan IPTA		
Date	08. Sep 2008	Language	MALAY
Media Title	Berita Harian	Page No	17
Section	Pendidikan	Article Size	197 cm2
Circulation	217920	Frequency	Daily
Readership	2083000	Color	Full Color
		AdValue	3500.81



## Akademi sedia RM50,000 geran penyelidikan sembilan IPTA

**S**ELARAS dengan teras ketiga Pelan Strategik Pengajian Tinggi Negara iaitu Memper-teguh Penyelidikan dan Inovasi, Akademik Kepimpinan Pengajian Tinggi (Akept) tidak ketinggalan mengiatkan kegiatan penye-lidikan dan inovasi menerusi penubuhan Pusat Penyelidikan Kepimpinan Akept.

Penubuhan pusat itu antara lain bertujuan mencari kaedah dan inovasi baru dalam pelbagai aspek berkaitan latihan kepimpinan, pengajaran dan pembelajaran, selain berperanan sebagai penye-dia geran penyelidikan kepada penyelidik berkelayakan.

Timbalan Pengarahnya, Prof Dr Rohana Yusof, (**gambar**) berkata sebagai permulaan, pusat itu memperuntukkan RM50,000 setahun sebagai geran penye-lidikan kepimpinan kepada sembilan penyelidik dari institusi pengajian tinggi awam (IPTA) dan agensi berkaitan, tahun ini.

Katanya, penyelidik ter-pilih adalah tiga dari Universiti Teknologi Mara (UiTM), Universiti Malaysia Sarawak (Unimas) dua,



dan masing-masing seorang dari Universiti Malaya (UM), Univer-siti Putra Malaysia (UPM), Agensi Kelayakan Malaysia (MQA) serta Jabatan Pengajian Politeknik dan Kolej Komuniti.

"Pemberian itu sebahagian insentif tambahan Akept bagi meng-galakkan pembabitan pelbagai pihak dalam kegiatan penyelidikan berteraskan kepimpinan.

"Kita melihat keperluan penye-lidikan sebagai kaedah utama bagi penemuan pelbagai bidang ilmu pengetahuan baru yang mampu

membantu meningkatkan aspek kepemimpinan universiti di negara ini.

"Justeru, geran ini diwujudkan untuk menggalakkan penerokaan idea serta teori yang mampu men-jadi pemangkin penemuan baru, perkembangan ilmu dan penciptaan yang inovatif serta terkini.

"Kita menerima 49 permohonan dan pemilihan penyelidik dibuat berdasarkan kekuatan serta impak projek terbabit terhadap pembangu-nan kepemimpinan di IPTA," katanya kepada *Berita Harian*, baru-baru ini.

Rohana berkata, pemilihan turut mengambil kira keaslian projek, selain maklum balas panel penilai yang diketuai Pengarah Akept, Prof Datuk Dr Ahmad Zainuddin.

Katanya, tiga penyelidik UiTM yang menerima geran itu ialah Dr Nik Maheran Nik Muhammad dengan penyelidikan Decision Making Quality of Higher Education Institution Leaders: Relationships to Leadership Style, Process Manage-ment and Competitive Intensity.

Seterusnya Prof Madya Dr Zaini Abdullah (Creating Talent Pool in Succession Planning for Effective Academic Manager Selection) dan

Raja Suzana Raja Kasim (Strategies in Developing Future Transformational Leadership among Academia of public and Private Institutional of Higher Learning of Malaysia).

Katanya, dua penyelidikan Unimas bertajuk New Leadership, Leader-member Exchange and Commitment to Change: The Case of Higher Educa-tion in Malaysia dan Relationships between Leadership Behaviors, University Culture and Leaderships Effectiveness in Malaysian Universi-ties, masing-masing oleh Dr Lo May Chiun dan Prof Madya Dr Hong Kian Sam turut terpilih.

Dua lagi penyelidik yang layak katanya, Dr Rozilini M Fernandes-Chung dari MQA dan Dr Abdul Rahim Ahmad (Jabatan Pengajian Politeknik dan Kolej Komuniti), masing-masing menerusi penyelidikan A Study of Leadership Accountability in the Implementation of Policies at Institution of Higher Education in Malaysia dan The Future Context and Shape of Leadership, Governance and Management in Malaysian Higher Education Institutions Focu-sing on Polytechnics and Commu-nity Colleges.